

保嬰撮要卷之三

贈太醫院院使薛

鏜校註

前太醫院院使男薛巴治驗

急驚

錢仲陽云急驚者因聞大聲或驚而發搐搐止如故此熱生於心身熱面赤引飲口中氣熱二便黃赤甚則發搐蓋熱盛生風陽盛而陰虛也宜以利驚丸除其痰熱不可用巴豆



之藥蓋急驚者陽症也俱腑受病而屬實乃少陽相火旺經曰熱則生風風生痰痰熱客於心膈間則風火相搏故抽搐發動經所謂木太過曰發生其動掉眩顛疾是也當用利驚丸導赤散瀉青丸等藥搐止與安神鎮驚丸婁全善亦曰急驚屬木火土實木實則搐而有力及目上視動劓頻睫土實則身熱面赤而不吐瀉偃睡合睛治法宜涼宜瀉而用

涼驚利驚等丸亦有因驚而發者牙關緊急壯熱涎潮竄視反張搐搦顛動唇口眉眼眨引口中熱氣頰赤唇紅二便秘結脉浮洪數緊此內有實熱外挾風邪當截風定搐若痰熱尚作仍微下之痰熱既泄急宜調養胃氣搐定而痰熱少退即宜調補脾氣東垣云若因外物驚者宜黃連安神丸因氣動所驚者宜安神鎮驚丸之類大忌防風丸如因驚而



瀉青色宜朱砂丸大忌涼驚丸蓋急驚者風木旺也風木屬肝盛則必傳尅於脾欲治其肝當先實脾後瀉風木若用益黃散則誤矣經曰邪氣盛則實正氣奪則虛前所云實者乃病氣有餘而形氣不足也當先瀉而後補虛甚急當補脾為先少以攻邪之藥佐之其所云虛者乃病氣形氣俱不足也當純補真氣為要若肝經風火相搏抽搐目睜筋急痰

盛者當用四物湯以生肝血加釣藤鈎山梔以清肝火更用四君子以補脾六味丸以滋腎若肺金尅木而無呵欠者用瀉白散以泄肺邪地黄丸以益肝血若邪入肝則用柴胡清肝散加龍膽草亦可邪入心用梔子清肝散加炒黃連亦通邪入腎用六味地黄丸邪入肺用地骨皮散邪入脾用六君子加柴胡山梔大抵此症屬肝膽經血虛風火相搏而



善行數變者為多若不養肝血不補脾氣純用祛風化痰之藥則脾益虛血益損邪氣延綿必傳慢驚矣

### 治驗

一小兒九歲因驚發熱抽搐頓悶咬牙作渴飲冷便秘面色青赤而印堂左腮尤赤此心脾二經風熱相搏乃形病俱實之症也先用瀉青丸料炒黃連一劑大便隨利

熱搐頓減繼用抑青丸一服諸症悉退但面色痿黃肢體倦怠飲食少思此病氣去而脾氣未復也用補中益氣湯及地黃丸而全安

一小兒發熱抽搐口噤痰湧此膽經實火為驚風也先用瀉青丸一服六味丸二服諸症即退又用小柴胡湯加芎歸山梔釣藤鈎次以補中益氣湯而愈



一小兒忽然發抽目動咬牙驚搐痰盛或與祛風化痰藥益甚面色青黃乃肝木尅脾脾之液為涎虛則涎不能攝上湧而似痰也法當生肝補脾則風自息痰自愈矣遂用六味丸及六君子湯而愈

一女子十二歲善怒睡中抽搐遍身作痒飲食少思此肝經風熱脾土受尅也用參朮柴苓湯以清肝健脾而愈

一小兒三歲患急驚面赤發熱作渴飲冷用瀉青丸一服熱衰大半因見得效翌早又自製一服反加吐瀉發抽面色青白手足指冷此熱既去而妄自傷脾也用六君薑桂升麻柴胡一劑得安是以前哲謂小兒易為虛實攻伐之藥衰其大半乃止不可過之羅謙甫約方約囊之論恪矣

一小兒三歲因驚抽搐發熱痰盛又服抱



龍丸等藥面色或赤或青此心肝二經血  
虛風熱生痰也用六味丸滋腎生血用六  
君柴胡升麻調補脾胃而安

一小兒潮熱發熱左腮青赤此心肝二經  
血虛之症也用秘旨安神丸及四物湯加  
防風酸棗仁治之而愈

一小兒潮熱發搐痰涎上湧手足指冷申  
酉時左腮青色隱白用補中益氣湯調補

脾肺六味丸滋養肝腎而痊

嘉興王一山女七歲因跌傷腿膝兩腫  
潰面色青滯左關無脉余謂驚則氣散而  
風熱鬱滯於肝故其脉隱伏用四君升麻  
柴胡釣藤鈎一劑脉至隨愈

一小兒印堂青黑至夜啼搐余謂脾土虛  
寒也用釣藤飲而安後因驚發搐夜啼仍  
用前藥一劑諸症復愈又用異功散而痊



一小兒七歲患急驚將愈而發熱驚悸悞  
服祛風化痰之劑更加驚搐吐痰喘嗽腹  
脹少食惡寒再用抱龍丸大便似痢寒熱  
往來殊類風症先君治之以為脾氣虧損  
諸經無所滋養而然用四君子湯為主少  
加升麻柴胡以升補陽氣而愈

一小兒驚風後痰嗽不止睡卧不寧諸藥  
無效余用牛黃清心丸少許頓止後復傷

風邪痰盛喘急飲食不下仍用牛黃丸少  
許而安再用異功散加桔梗而愈

利驚丸治急驚痰盛發熱潮搐

青黛

輕粉

各二錢

牽牛末

半兩

右為末麵糊丸寒豆大每服十丸薄荷湯  
化下

安神鎮驚丸驚退後調理安心神養氣血和  
平預防之劑也



天竺黃

另研

人參

茯神

南星

薑製各五錢

酸棗仁

炒

麥門冬

當歸

酒洗

生地黄

酒洗

赤芍藥

炒各三錢

薄荷

木通

黃連

薑汁炒

山梔

炒

辰砂

另研

牛黃

另研

龍骨

煨各二錢

青黛

研一錢另

右為末蜜丸菜豆大每服三五丸量兒大小加減淡薑湯送下

四物湯

治血虛發熱煩燥或晡熱作渴頭

目不清若因脾虛不能生血者用四君子湯

當歸

熟地黄

各二錢

芍藥

川芎

各一錢

右水煎服

參朮柴苓湯

人參

白朮

茯苓



陳皮 各一錢 柴胡 升麻 各七分

山梔 炒八分 鈞藤鈎 一錢 甘草 炒五分

每服一二錢薑棗水煎

黃連安神丸 治心經血虛頭暈神魂驚悸

黃連 酒洗六錢 甘草 炙五分 生地黃

當歸 各一錢五分 硃砂 飛過五錢

右為末飯糊丸梧子大每服十五丸空心

白滾湯下如二三服不應當服歸脾湯補

之

牛黃清心丸 治諸風癱瘓語言蹇澁健忘

恍惚頭目眩暈胸中煩鬱痰塞喘嗽精神

昏憤等症或小兒風熱上壅抽搐發熱或

急驚痰盛發搐目反口噤或大人傷寒汗

下之後煩躁發熱不解並宜服之

牛黃 一錢二分 麝香 龍腦

羚羊角 各一錢 當歸 防風



黃芩

白朮

麥門冬

白芍藥

各一錢半

柴胡

桔梗

白茯苓

杏仁

去皮尖

芎藭

肉桂

大豆黃卷

阿膠

各一錢二分半

蒲黃

人參

神麴

各三錢半

雄黃

八分

甘草

五分

白欬

七分半

犀角

二錢

乾山藥

七錢

乾薑

三錢

金箔

一百二十片

大棗

十個蒸熟爛研

右為末煉蜜丸每兩作十九金箔為衣每服一丸溫水化下

朱砂丸

方見發搐

瀉青丸

方見肝臟

導赤散

方見心臟

抑青丸

方見肝臟

補中益氣湯

方見虛羸

地黃丸

方見腎臟



小柴胡湯

方見癩瘡

六君子湯

方見天鈞

秘旨安神丸

方見心臟

異功散

方見天鈞

### 慢驚

錢仲陽云慢驚因病後或吐瀉或藥餌傷損脾胃肢體逆冷口鼻氣微手足瘈瘲昏睡露睛此脾虛生風無陽之症也溫白丸主之蓋

慢驚者陰症也俱臟受病而屬虛因吐瀉脾肺俱虛肝木所乘而致瘈瘲微搐婁全善所謂木虛則搖而無力經所謂木不及曰委和其病搖頭是也

謂手足搖動泄瀉心悸

火虛則身寒口

中氣冷土虛則吐瀉睡而露睛治宜溫補脾胃用六君子湯五味異功散之類徐用誠云乙木屬陰乃肝臟病故慢而難治况有夾熱夾食夾痰與外感症相似者當宗錢氏方主



之保嬰集云急驚屢發而屢用直瀉之藥則脾陰愈消而變為慢驚多矣大率吐瀉痰鳴氣喘眼開神緩昏睡露睛驚跳搐搦乍發乍靜或身熱身冷面淡青白或眉唇青赤其脉遲沉數緩是也當溫補脾氣為主而佐以安心制肝東垣亦云慢驚風由脾胃虛而生脾虛者因火邪乘其土位火旺能實其木木旺故來尅土當於心經中以甘溫補土之源更

於脾土中瀉火以甘寒補金以酸涼致脾土中金旺火衰風木自虛矣稟賦不足或久病脾虛及常服尅伐之藥者多致此症若因土虛不能生金金不能平木木來侮土而致前症者以五味異功散加當歸酸棗仁佐以鈞藤飲子補土平木若脾土虛寒者用六君子加炮薑木香不應急加附子以回陽氣蓋陰血生於脾土宜四君子當歸酸棗仁凡元氣



虧損而至昏憤者急灸百會穴若待下痰不愈而後灸之則元氣脫散而不救矣此乃臟腑傳變已極總歸虛處惟脾受之無風可逐無驚可療因脾虛不能攝涎故津液妄泛而似痰者當依前法自效若不審其因泛用祛風化痰之劑則脾氣益傷陰血益損病邪益盛而危矣

治驗

舉人余時正子傷食發丹服發表之劑手足抽搐服抱龍丸目睜痰盛余謂脾胃虧損而變慢驚也無風可祛無痰可逐只宜溫補胃氣遂用六君加附子一劑而愈  
一小兒抽搐痰涎自流或用驚風之藥益甚視其面色黃白余用六君子補中益氣二湯補脾肺而愈  
一小兒傷風咳嗽痰湧用六君桔梗桑皮



杏仁治之而愈後飲食停滯作泄腹脹用  
六君加山查厚朴而安又復停食作嘔或  
用藥下之更加咳嗽余謂脾肺俱虛宜用  
調補彼以為緩自服發表尅滯前症益甚  
頭項顫動余用天南星散倍加釣藤鈎及  
異功散而愈

一小兒遇驚即痰盛咬牙發搐搖頭作瀉  
恪服腦麝朱砂等藥以致慢驚而卒

木附湯 治風濕相搏身體煩疼不能轉側  
不嘔不渴大便堅硬小便自利及風症頭  
目眩重等症

白朮 四兩

甘草 炒二兩

附子 炮去皮  
臍一兩

右為末入附子每服三錢薑五片棗一枚  
水煎服

愚按附子溫中回陽為慢脾之聖藥也如  
元氣未脫用之無有不應須用每隻重一



兩三四錢端正不尖底平週圍如蓮花瓣者佳否則誤用川烏也製法切去皮尖以童便浸之秋冬七日春夏五日每日一換浸畢切作四塊以濕草紙包數層微火煨半日取出切開無白星為度如急用炮至裂紋即投童便中良久浸透切片如色白再微炙之氣脫甚者急生用亦效

太乙保生丹 治慢驚尚有陽症者

全蝎

青者十  
四箇

白附子

生用

真殭蠶

牛膽南星

蟬殼

琥珀

防風

朱砂

各一錢

麝香

五分

右為末米糊丸桐子大金箔為衣每服一二錢薄荷湯化下

聚寶丹 治慢驚

人參

茯苓

琥珀

天麻

真殭蠶

全蝎

炙



防風

牛膽南星

白附子 生用

烏蛇

肉酒浸 焙一錢

朱砂 半錢

麝香 少許

右為末煉蜜丸桐子大每服二九菖蒲湯

下

金箔鎮心丸

治風壅痰熱心神不寧驚悸

煩渴唇焦頰赤夜卧不安譫語狂妄

朱砂 一兩

白茯苓

人參

甘草

各半兩

山藥

一兩半

片腦

牙硝

一錢半

麝香

五分

金箔

十二貼 為衣

草紫河車

二錢半 黑豆煎煮

右為末煉蜜丸桐子五錢作五十丸以金

箔為衣每服一九薄荷湯化下含化亦得

溫白丸

治驅風豁痰定驚

人參

防風

白附子

生用

真殭蠶

全蝎

各一錢 焙

南星

湯洗七次 焙

天麻

各二錢



右為末水糊丸桐子大每服三五丸薑湯

下

烏蝎四君子湯即四君子湯加生川烏全蝎各少許為末每服半錢薑棗水煎服次服

去川烏

天南星散 治慢驚驅風豁痰

南星

重八九錢者一箇掘地坑深尺許先用炭五斤燒通紅以好米醋一

碗灑坑中即投南星以火炭密蓋又用盆覆時許取出

右為末入琥珀全蝎各一錢每服二字煎

生薑防風湯下

烏沉湯 治慢驚驅風助胃

天麻 二錢

人參

真川烏 生用

全蝎 焙

南星 焙

木香

沉香 各一錢 甘草 炙半錢

右為末每服三五分薑水煎服

沉香散 治助胃氣止吐瀉



茯苓 二錢

沉香

丁香

木香

藿香

厚朴 製

甘草

炙各一錢

右為末每服一字米飲湯調下

蘇青丸

蘇合香丸

一分

青州白丸子

二分

右和勻每服五分薑湯調下

銀白散

治胃虛吐瀉

糯米

炒二兩五錢

扁豆

蒸二兩

藿香

二錢

白朮

炒一兩

丁香

二錢

甘草

炙三錢

右為末紫蘇米飲調下直指方加炮白附子全蝎木香石蓮薑水煎

釣藤散

治吐利脾胃氣虛生風

釣藤鈎

二錢

蟬殼

天麻

防風

蝎尾

去毒

人參

各半兩

麻黃

殭蠶

炒

甘草

炙



茯苓 二錢

沉香

丁香

木香

藿香

厚朴 製

甘草 炙各一錢

右為末每服一字米飲湯調下

蘇青丸

蘇合香丸 一分

青州白丸子 二分

右和勻每服五分薑湯調下

銀白散 治胃虛吐瀉

糯米 炒二兩五錢

匾豆 蒸二兩 藿香 二錢

白朮 炒一兩 丁香 二錢

甘草 炙三錢

右為末紫蘇米飲調下直指方加炮白附子全蝎木香石蓮薑水煎

釣藤散 治吐利脾胃氣虛生風

釣藤鈎 二錢 蟬殼 天麻

防風 蝎尾 去毒 人參 各半兩

麻黃 殭蠶 炒 甘草 炙



川芎 各二錢五分 麝香 五分

右為末水煎服虛寒加附子一錢

黑附子湯 治慢脾風四肢厥冷

附子 炒去皮三錢 木香 人參 各一錢半

白附子 一錢 甘草 炙五分

右為散每服三錢薑五片水煎若手足既

溫即止後服

生附四君子湯 治吐瀉不思乳食凡虛冷

病先與數服以正胃氣

人參 白朮 附子

木香 茯苓 橘紅

甘草 各等分

右為末每服五七分薑棗水煎服

辰砂膏治慢脾冷痰壅滯手足冷而微搐者

黑附子 一枚重一兩以上者去皮臍頂上穿一孔入辰砂末一錢仍用

附子塞之炭火燒存性



牛膽南星

半兩

白附子

炮

五靈脂

蝎稍

各二錢半

右為末煉蜜丸桐子大每服二三錢生薑汁泡湯下

七寶辰砂丹治風痰竒效慢驚慢脾以辰砂為主木香佐之用開元錢一箇背後上下有兩月片者放鐵匙上炭火內燒少頃成珠子取入盞中作一服用木香煎湯送下

人參湯亦可

天麻防風丸

方見臍風

參苓白朮散

方見虛羸

異功散

即五味異功散方見虛羸

四君子湯

方見天鈞

益黃散

方見脾臟

六君子湯

方見天鈞

補中益氣湯

方見虛羸



驚癇

錢仲陽云小兒發癇因血氣未充神氣未實或為風邪所傷或為驚怪所觸亦有因妊娠七情驚怖所致者若眼直目牽口噤涎流肚膨搖背項反張腰脊強勁形如死狀終日不醒則為瘖矣如面赤目瞪吐舌嚙唇心煩氣短其聲如羊者曰心癇面青唇青兩眼上竄手足攣掣反折其聲如犬者曰肝癇面黑目

振吐涎沫形體如尸其聲如猪者曰腎癇面如枯骨目白反視驚跳反折搖頭吐沫其聲如雞者曰肺癇面色痿黃目直腹滿自利四肢不收其聲如牛者曰脾癇五癇通用五色丸為主仍參以各經之藥心癇屬血虛者用養心湯發熱飲冷為實熱用虎睛丸發熱飲湯為虛熱用妙香散肝癇者虛症用地黃丸抽搐有力為實邪用柴胡清肝散大便不通



用瀉青丸腎癰者用地黃丸紫河車丸之類  
腎無瀉法故徑從虛治之肺癰者屬氣虛用  
補肺散面色痿黃者土不能生也用五味異  
功散面色赤者陰火上衝於肺也用地黃丸  
脾癰者用五味異功散若面青瀉利飲食少  
思用六君子加木香柴胡若發熱抽掣仰臥  
面色光澤脉浮病在腑為陽易治身冷不搖  
覆臥面色黯黑脉沉病在臟為陰難治凡有

此症先宜看耳後高骨間先有青脉紋拆破  
出血可免其患此皆元氣不足之症也須以

紫河車

即小兒胞也

丸為主而以補藥佐之藥若

泛行尅伐復傷元氣則至不時舉發久而變  
危多至不救又有驚風食癰三種詳見後方  
仍參驚風胎風治之

### 治驗

一老人生子方週歲秋初暴冷忽發搐似



驚癇過則氣息淹淹此元氣虛弱所致與  
補中益氣湯而愈

一小兒十歲一小兒七歲各有癇症歲發  
二次後因出痘及飲食停滯舉發頻數用  
六君子補中益氣二湯而愈

一小兒患前症每發吐痰困倦半餉而甦  
諸藥不應年至十三而頻發用紫河車生  
研爛入人參當歸末丸桐子大每服三五

十九日進三五服乳化下一月漸愈又佐  
以八珍湯全愈

一小兒七歲發驚癇每作先君令其恣飲  
人乳後發漸踈而輕至十四歲復發仍用  
人乳不應余令用肥厚紫河車研爛人乳  
調如泥日服二三次至數具而愈後常用  
加減八味丸而安至二十三歲發而手足  
厥冷仍用前法佐以八味丸十全大補湯



而痊

五癩丸 治諸癩

雄黃

玕珠

各一兩 研細

朱砂

水飛半兩

水銀

二錢半用鉛三兩溶化入水銀炒結候冷

右為末煉蜜丸麻子大每服二三丸金銀

煎湯下

錢氏蛇黃丸治驚癩因震駭恐怖叫號恍惚

是也

蛇黃

真者三箇 大煨醋淬

鬱金

七分一處 為末

麝香

另入一匙

右為末飯丸桐子大每服一二丸煎金銀

磨刀水化下

牛黃丸 治風癩因汗出解脫風邪乘虛迷

悶搐掣涎潮屈指如計數是也

牛膽南星

全蝎

焙

蟬脫

各二錢半

防風

白附子

生

天麻



真疆蠶

炒各一錢半

麝香

半字

右為末棗肉和丸水銀半錢研細入藥丸

菜豆大每服一二丸荆芥生薑湯下

妙聖丹 治食癇因驚而停食吐乳寒熱大

便酸臭是也

赭石

煨醋淬二錢半

巴豆

三箇去心油三錢

雄黃

蝎稍

朱砂

各一錢

輕粉

麝香

各一匙

杏仁

微炒二錢

右為末棗肉丸梧子大每服一二丸木賊

草煎湯送下

星蘇散

治諸風口噤不語

天南星

略炮剉

右每服五七分薑四片紫蘇五葉水煎入

雄猪膽少許溫服

斷癇丹

治癇瘡後復作症候多端連綿不

除者



黃耆

蜜炙

釣藤鈎

細辛

甘草

炙各半兩

蛇蛻

二寸酒炙

蟬蛻

四箇

牛黃

研一錢另

右為末煮棗肉丸麻子大煎人參湯下每

服數丸量兒加減

消風丸 治風癩先宜此藥

牛膽南星

錢二

羌活

獨活

防風

天麻

人參

荆芥

川芎

細辛

各一錢

右為末蜜丸桐子大每服二丸薄荷紫蘇

湯調化下

祛風保安丸諸風久遠治之並驗

川烏

去皮尖二錢半生用

五靈脂

半兩

右為末猪心血丸桐子大每服一二丸薑

湯化下

雌黃丸治顛癩搐掣惡聲嚼舌



雌黃

黃丹

微炒各半兩

麝香

五分

右為末用牛乳汁三合熬膏杵丸麻子大每服二三丸溫熟水下

比金丸 治驚癇先用此藥

人參

琥珀

白茯苓

遠志

薑製取肉炒

朱砂

天麻

石菖蒲

細密者

川芎

南星

青黛

各一錢

麝香

一匙

右為末蜜丸桐子大每服一二丸金銀薄荷湯下

虎睛丸 治驚癇邪氣入心

虎睛

細研

遠志

薑製浸

犀角

鎊屑

大黃

濕紙包煨

石菖蒲

麥門冬

各等分

蟻螂

去足翅炒三枚

右為末米糊丸桐子大每服一二丸竹葉煎湯或金銀薄荷煎湯下



清神湯 治驚癇

犀角 鎊

遠志 薑製 焙

白蘚皮

石菖蒲

人參

甘草 炙各一錢半

右為末每服五七分麥門冬煎湯調下

蜜陀僧飲治心癇不語及諸驚失音用蜜陀

僧為末每服一匙米醋湯調下大人服一

錢熱酒下

蝎虎散 治驚癇

褐色生蝎虎 一箇連血細研

右入朱砂麝末少許同研用薄荷湯調作

一服數年者亦効蓋癇疾皆心血氣滯生

蝎虎管守其血繼服二陳湯若無生蝎以

帶性雄猪心血代用入代赭石散尤妙

代赭石散 治陰陽癇

代赭石 煨醋淬研為末水飛過晒乾

右為末每服半錢以金銀煎湯和金箔銀



箔調連進二服脚脛上有赤斑乃邪氣發出可治無赤斑則難治

化風丹涼風化痰退熱定搐

牛膽南星 羌活 獨活

防風 天麻 人參

川芎 荆芥 粉草 各一錢

全蝎 一箇

右為末煉蜜丸皂角子大每服一錢薄荷

湯化下

茯神湯 治膽氣虛寒頭痛目眩心神恐懼不能獨處或是驚癇

茯神 酸棗仁 炒 黃芪 炒

栢子仁 炒 白芍藥 炒 五味子 炒 各一兩

桂心 熟地黄 自製 人參

甘草 炒五分

右每服二三錢水煎



酸棗仁丸 治膽氣實熱驚癇或睡卧不安  
驚悸怔忡

茯神

酸棗仁

遠志

栝子仁

炒

防風

枳殼

麩炒各半兩

生地黄

杵膏半兩

香竹茹

二分五分

右各另為末蜜丸粟米大每服七八十九

滾湯送下

定志丸

治心神虛怯所患同前或語言鬼

神喜笑驚悸

人參

茯苓

各一兩五錢

菖蒲

遠志

各一兩

右各另為末蜜丸如前服

養心湯 治心血虛怯驚癇或驚悸怔忡盜

汗無寐發熱煩躁

黃芪

白茯苓

茯神

半夏麩

當歸

川芎



辣桂

栢子仁

酸棗仁

五味子

人參

各三錢

甘草

炙四錢

右每服一二錢薑棗水煎

妙香散 治心氣不足驚癇或精神恍惚虛

煩少寐盜汗等症

辰砂

三錢

麝香

一錢

木香

煨二錢五分

茯苓

山藥

茯神

遠志

黃芪

炒各一兩

桔梗

甘草

炙

人參

各五錢

右各另為末每服一錢溫酒或白湯調服

八味地黄丸

即六味地黄丸加附子肉桂各一兩

治稟賦命門

火衰不能生土以致脾土虛寒或飲食少

思或食而不化臍腹疼痛夜多涎溺等症

經云益火之源以消陰翳蓋謂此也或乳

母命門火衰兒飲其乳致前症者子母並

宜服之

方見驚癇



加減八味丸 治稟賦腎陰不足或吐瀉久

病津液虧損口乾作渴或口舌生瘡兩足

發熱或痰氣上壅或手足厥冷等症 即地黃丸

加五味子四兩肉桂一兩

地黃丸 治小兒肝經虛熱血燥或風客淫

氣而患癩癰結核或四肢發搐眼目抽動

痰涎上湧又治腎疴腦熱肢體消瘦手足

如冰寒熱往來滑泄肚脹口臭乾渴齒齦

潰爛爪黑面黧遍身或兩耳生瘡或耳內

出水或發熱自汗盜汗便血諸血失音等

症其功不能盡述 即六味地黃丸方見腎臟

八珍湯 治氣血俱虛陰火內熱或因尅代

之劑脾胃虧損肌肉消瘦等症 即四君四物二湯方

見癩驚

十全大補湯 治氣血虛弱或稟賦不足寒

熱自汗食減體瘦發熱作渴頭痛眩暈最



宜用之

方見熱症

補中益氣湯

方見虛羸

六君子湯

方見內鈞

紫霜丸

方見臍風

天麻丸

方見臍風

驚風

驚風者虛惕怔忡氣怯神散痰涎來去泄瀉  
色青若驚入心則面赤夜啼用梔子清肝散

加黃連入肝則面青眼竄用柴胡清肝散入  
脾則面黃嘔吐虛汗嗜卧用六君加柴胡山  
梔入肺則面白喘急用異功散加柴胡桔梗  
入腎則面黑嚙齦咬牙用六味地黃丸若因  
乳母恚怒肝火或膏粱積熱遺兒為患或兒  
吐瀉傷脾清氣不升風木陷入太陰傳變等  
因皆能致此當隨主治否則必成慢脾也須  
預慎防為善



治驗

一小兒十五歲御女後復勞役考試失意患癩症三年矣遇勞則發用十全大補湯加味歸脾湯之類更以紫河車生研如膏入蒸糯米為末丸如桐子大每服百丸日三五服而痊後患遺精盜汗發熱仍用前藥及地黃丸而愈此症不拘男婦老幼皆效

一小兒周歲從卓上仆地良久復甦發搐吐痰沫服定驚化痰等藥遇驚即復作婢姻後不時發而難愈形氣俱虛面色痿黃服十全大補補中益氣二湯而愈

至寶丹 治諸驚癩心熱及卒中客忤煩躁風涎搐搦或傷寒狂語伏熱嘔吐

生犀角 鎊

生玳瑁

琥珀

朱砂 水飛

雄黃 水飛各一兩

金箔 五十片半為衣



銀箔 五十片 片腦 一匙 麝香 一錢

牛黃 半兩 安息香 一兩半為末酒淘  
去砂取一兩酒煎

膏成

右各另研為末和勻入安息香膏如乾入  
熟蜜少許丸桐子大每服一二丸人參湯  
化下量兒加減

神妙奪命丹七月內取青蒿節內蟲入朱砂  
麝為丸麻子大每服三五丸薑湯下

人參羌活散 治傷風驚熱

羌活 獨活 前胡

柴胡 川芎 白茯苓

桔梗 枳殼 人參

地骨皮 天麻 各等分 甘草 減半

右生薑薄荷水煎治驚熱加蟬蛻

防風導赤散 治初驚

生地黃 木通 去節 防風



甘草 各等分

右每服三錢竹葉少許水煎有熱加黃芩  
赤芍藥羌活

蟬蛻釣藤飲治肚疼驚啼

釣藤釣 天麻 茯苓

川芎 白芍藥 各三錢 甘草

蟬蛻 各一兩

右入燈心水煎

七寶洗心散 治煩熱生瘡兼治驚風

生地黄 荆芥穗 防風

甘草 黃芩 羌活

赤芍藥 各等分

右為末每服一錢燈心薄荷湯調下

神芎丸 治風熱壅滯頭目昏眩口舌生瘡  
牙齒疳蝕或遍身瘡疥咬牙驚惕怔忡煩  
躁作渴或大便澀滯或積熱腹滿驚風潮



搐等症

大黃 生

黃芩 各二兩

生牽牛末 一兩

滑石 四兩

黃連 薄荷葉

川芎 各半兩

右為末水糊丸桐子大每服三四丸溫水

下

清心丸 治驚熱煩躁

人參 茯神 防風

朱砂 柴胡 各三錢 金箔 三十片

右為末煉蜜丸桐子大每服一二丸竹瀝

調下

化風丹 方見驚癇

安神丸 方見心臟

辰砂膏 方見急驚

柴胡清肝散 方見熱症

六味地黃丸 方見腎症



梔子清肝散

方見諸熱

十全大補湯

即八珍湯加黃耆肉桂

異功散

方見天鈞

補中益氣湯

方見虛羸

六君子湯

方見天鈞

天鈞內鈞

天鈞者發時頭目仰視驚悸壯熱兩目反張  
淚出不流手足搐掣不時悲笑如鬼祟所附

甚者爪甲皆青蓋因乳母厚味積毒在胃致  
兒心肺生熱痰鬱滯或外挾風邪為患法當  
解利其邪用鈞藤飲上氣喘粗者用烏蝎四  
君子湯內鈞者腹痛多喘唇黑囊腫偃僂反  
張尾脉赤此胎中受風及外驚所致若內臟  
抽掣作痛狂叫或泄瀉縮脚內症一作外症  
亦然極難調理內症服聚寶丹外症服鈞藤  
飲進乳食者可治若腹痛唇黑囊腫之類用



聚寶丹若外驚內臟抽搐之類用釣藤飲若因乳母醇酒厚味積毒在胃用加味清胃散若因乳鬱怒積熱在肝用加味道逍遙散加味歸脾湯俱加漏蘆子母俱服凡母食膏粱厚味飼兒之時先擠去宿乳然後吮之

治驗

一小兒因乳母受驚發搐時目赤壯熱腹痛哭而曲腰用四物加柴胡防風又用加

味道逍遙散加熟地黄以清肝熱生肝血再用地黄丸滋腎水以生肝木母子俱安  
一小兒曲腰而啼面青唇黑此寒氣所乘內釣腹痛也用五味異功散加木香乾薑一劑子母服之頓愈後因母感寒腹痛而啼用人參理中湯一劑與母服其子亦安  
一小兒曲腰乾啼手足並冷用六君加乾薑木香服之未應又加肉桂母子俱服而



愈

一小兒忽乾啼作瀉睡中搐手足冷此脾土虛寒肝木侮之而作發搐乃內釣也用益黃散一劑而安用四君加柴胡升麻乳食漸進而愈

一小兒乾啼面青或赤手足並熱或用清熱之劑久不愈診其乳母有肝火氣滯用加味道遙散及越鞠丸以治其母時灌子

數滴不旬日子母並愈

一小兒患前症服魏香散而愈後復作服祛風鎮驚之藥上氣喘粗此元氣虛寒也余先用烏蝎四君子湯稍愈但倦怠殊甚用補中益氣湯及五味異功散而痊

一小兒因母每感寒腹痛飲燒酒發熱痰盛面赤手足並熱屬胃經實熱之天釣也用清胃散子母服之並愈後因傷乳吐瀉



面色或青或白手足並冷屬脾氣虛寒用  
六君木香乾薑而愈三歲後傷食腹痛唇  
黑作瀉數去後而無糞或糞少而青脾氣  
虛寒下陷用補中益氣湯漸愈

一小兒啼哭陰囊腫大眼目上翻赤脉流  
淚此肝熱內釣用柴胡清肝散加釣藤鈎  
治之諸症漸愈又用釣藤飲而痊後復發  
或用祛病根之藥致乳食日少肚中脹痛

手足浮腫余先用六君升麻柴胡數劑諸  
症稍愈又傷乳食吐瀉用平胃散一服即  
愈

一小兒因乳母懷抱鬱結腹痛發搐久而  
不愈用加味歸脾湯加漏蘆母子並服漸  
愈又母大怒發厥而甦兒遂食乳腹痛作  
瀉面青作嘔先用小柴胡湯二劑母子並  
服少愈其母又噯酸腹脹用越鞠丸加味



歸脾湯佐以加味逍遙散而痊

釣藤膏 治腹痛乾啼作嘔名盤腸內釣

乳香 沒藥 木香

薑黃 各一錢 木鱉子 三箇 去油

右為末蜜丸皂角子大釣藤釣湯磨半丸  
入蜜服未止再服魏香散

魏香散

阿魏 二錢先用 溫酒溶化 蓬朮 五錢

右將蓬朮浸阿魏酒中一伏時焙乾為末  
每服二三分紫蘇米飲調下

釣藤飲 治小兒臟寒夜啼陰極發躁此方  
主之

釣藤 茯神 茯苓

川芎 當歸 木香

甘草 芍藥 各一錢

右為末每服一錢薑棗水煎若心經熱臉



紅舌白小便赤澀用釣藤飲去木香加朱砂末一錢木通湯下

乳香丸 治驚風內釣腹痛驚啼

乳香 半錢 沒藥 沉香 各一錢

蝎稍 十四箇 雞心棋榔 一錢半

右為末蜜丸桐子大每服二三錢菖蒲釣

藤鈎煎湯下

木香丸 治病同前

木香 全蝎 各五分 沒藥

茴香 釣藤鈎 各一錢

右各別為末以大蒜研爛和丸桐子大晒乾每服二丸釣藤煎湯下

清胃散 治胃大牙痛或連頭面

升麻 五分 生地黄 牡丹皮

黃連 炒 當歸 各三分

右水煎服加柴胡山梔即加味清胃散



愚按前方治脾胃實火作渴口舌生瘡或唇口腫痛齒齧潰爛炊連頭面或惡寒發熱或重舌馬牙吐舌流涎等症子母並宜服之若因脾胃氣虛寒涼尅伐或虛熱上行口舌生瘡弄舌發熱飲食少思或嘔吐困睡大便不實流涎齧爛者用五味異功散

四君子治脾氣虛損吐瀉少食

人參

白朮

茯苓

甘草

各等分

右每服二錢薑棗水煎

新增

愚按前方若胃氣虛弱尅伐傷脾飲食少思或食而難化若作嘔作泄尤宜用之如無痰嗽氣逆肢體倦怠面目浮腫者宜六

君子湯

六君子湯即四君子加陳皮半夏治脾胃氣



虛吐瀉不食肌肉消瘦或肺虛痰嗽喘促  
惡寒或肝虛驚搐目眩自汗諸症並宜服  
之以滋化源 方見內鈞

錢氏異功散治吐瀉不食脾胃虛冷者先與  
數服以益中州之氣

人參

茯苓

白朮

甘草

炙

陳皮

各等分

右為末每服二三錢薑棗水煎

愚按前方治脾胃虛弱吐瀉不食或驚搐  
痰盛或睡而露睛手足指冷或脾肺虛弱  
咳嗽吐痰或虛熱上攻口舌生瘡弄舌流  
涎若母有症致兒患此者子母並服之  
加味歸脾湯去丹皮山梔即歸脾湯治脾虛  
弱損健忘驚悸等症

人參

黃耆

茯苓

去木各一錢

甘草

白朮

炒一錢

木香

五分



遠志

去心

酸棗仁

龍眼肉

當歸

牡丹皮

山梔

炒各一錢

右水煎服

愚按前方若乳母憂思傷脾血虛發熱食少體倦或脾虛不能統攝以致陰血妄行或健忘怔忡驚悸少寐或心脾作痛自汗盜汗或肢體腫痛大便不調或婦人經候不調晡熱內熱或蠶唇流注等症致兒為

患者令子母俱服之

加味道遙散去牡丹皮山梔即道遙散治肝脾血虛等症

當歸

甘草

炙

芍藥

酒炒

茯苓

白朮

炒

柴胡

各一錢

牡丹皮

山梔

炒各七分

右水煎服

愚按前方若乳母肝脾血虛內熱寒熱遍



身搔痒肢體作疼頭目昏重怔忡頰赤口  
燥咽乾或發熱盜汗食少不寐或口舌生  
瘡耳內作痛胸乳腹脹小便不利致兒為  
患尤宜用之又治婦人陰虛發熱兒飲其  
乳以致患瘡者

越鞠丸 治六鬱飲食少思或胸滿吐酸齒  
痛瘡疥等症

蒼朮 撫芎 香附

神麴炒 山梔炒 麥芽炒

山查 各等分

右各為末水煮神麴麥芽末糊丸粟米大  
每服百丸白湯送下

鎮心丸治急驚化痰鎮心

朱砂 龍齒 牛黃 各一錢

鐵粉 琥珀 人參

茯苓 防風 各二錢 全蝎 七箇焙



右為末蜜丸桐子大每服一二丸薄荷湯

送下

聚寶丹

烏蝎四君子湯 二方見慢驚

平胃散 方見虛寒

益黃散 方見禁風

人參理中湯 方見傷寒

補中益氣湯 方見虛羸

六君子湯 方見內釣

釣藤散 方見慢驚

地黄丸 方見腎臟

柴胡清肝散 方見熱症

四物湯 方見急驚

小柴胡湯 方見症症

盤腸氣痛

小兒盤腸氣者痛則曲腰乾啼額上有汗皆



由肝經風邪所搏也肝腎居下故痛則曲腰  
乾啼者風燥其液故無淚也額上有汗者風  
木助心火也口閉足冷者脾氣不營也下利  
青糞者肝木乘脾也皆由產下澡洗受風冷  
所致當服釣藤膏之類若乳母及兒受寒邪  
者用沉香湯之類若兒額間有汗口閉脚冷  
乃虛寒也用當歸散或沉香降氣湯之類若  
面赤唇焦小便不通小腹脹痛者乃小腸熱

也用人參湯送下三黃丸若痛不止煎葱湯  
淋揉其腹就以熱葱熨臍腹間良久尿出痛  
止或以乳香沒藥木香各少許水煎灌匙許  
若因乳母飲食停滯者用保和丸懷抱氣鬱  
者加味歸脾湯怒動肝火者加味道遙散子  
母俱服並佳

### 治驗

一小兒曲腰啼叫右腮青黑此臍腹內痛



因脾土虛寒肝木乘之也用六君子加木香釣藤鈎即愈

一小兒因乳母大怒亦患前症面赤而啼小便不利用加味道遙散加木通車前子母子服之並愈

一小兒啼叫面赤手足不冷用釣藤飲隨愈後因其母飲酒厚味仍作啼手足發熱又用前藥加生地黃而愈後又面青手冷

啼叫吐瀉其糞腥穢用助胃膏一服而安  
一小兒患前症曲腰而啼額間出汗足冷唇青糞青先用釣藤膏治愈後復患仍用釣藤鈎膏而痛減半又煎葱湯熨洗其腹腹痛遂安

一小兒唇青足冷啼聲不絕用助胃膏一服稍安又食生冷之物前症仍前作泄瀉不止先用六君子加木香乾薑一劑乃去



木香乾薑又二劑其瀉頓止又用四君子  
少加升麻四劑飲食加進

一小兒十四歲腹痛吐瀉手足常冷肌體  
瘦弱余謂所稟命門火虛也用六君子湯  
八味丸漸愈畢姻後因房勞動讀感冒發  
汗繼以飲食勞倦朝涼暮熱飲食不思用  
六君子十全大補二湯尋愈後不慎飲食  
起居午前臍下熱起則遍身如炙午後自

足寒至腰如冰熱時脉洪大按之如無兩  
尺微甚寒時則六脉微細如絕湯粥稍離  
火食之即腹中覺冷此亦稟命門火衰之  
症也用補中益氣湯八味丸各百餘服漸  
愈後大吐血別誤服犀角地黄丸一劑病  
益甚飲食頓減面色晄白手足厥冷或時  
發熱寒時脉微細而短者陽氣虛微也熱  
時脉洪大而虛者陰火虛旺也余用十全



大補及八珍湯六君子之類但能扶持而血不止復因勞役吐血甚多脉洪大鼓指按之如無而兩寸脉短此陽氣大虛也用人參一兩附子一錢佐以補中益氣湯數劑諸症漸退乃減附子五分又各數劑脉症悉退乃每服用人參五錢炮薑五分月餘始愈

當歸散

治臟寒腹疼面青手冷夜啼不乳

當歸

白芍藥

人參

甘草

炙二分

桔梗

橘皮

各一錢去白

右為末水煎半盞時時少與服

沉香降氣湯 治氣不升降胸膈痞塞心腹脹滿喘促短氣乾噦煩滿咳嗽痰涎口中無味嗜卧不食

香附子

二兩半

沉香

砂仁

各一錢

甘草

七錢半



右為末每服一錢入鹽少許沸湯點平旦空心服

愚按前方若乳母中氣鬱滯不能升降患此症致兒作痛者亦用之

三黃丸 方見疝氣

加味歸脾湯

加味道遙散

釣藤膏 三方見內釣

助胃膏 方見熱吐

魏香散 方見內釣

六君子湯 方見內釣

四神丸 方見脫肛

八味丸

地黃丸 並見腎臟

補中益氣湯 方見虛羸

胎驚



小兒胎驚風者因妊婦飲酒忿怒驚跌或外  
挾風邪內傷於胎兒生下即病也若月內壯  
熱翻眼握拳噤口出涎腰強搐掣驚怖啼叫  
顛縮顛開頰赤面青眼合者當散風利驚化  
痰調氣及貼顛法甚則以朱銀丸下之若面  
青拳搐用保命丹釣藤散之類切不可悞作  
脾風妄用溫藥若眉間色赤或虎口指紋曲  
裏者可治用釣藤散全蝎散若眉間青黑或

指紋反出外者不治大抵小兒臟腑脆弱不  
可輒用銀粉鎮墜之劑反傷真氣多致不救  
者且妊娠每月各有經脉滋養一月屬肝二  
月屬膽三月屬心四月屬小腸五月屬脾六  
月屬胃七月屬肺八月屬大腸九月屬腎十  
月屬膀胱多因妊娠時受惠而作也須察於  
某月受病病在某經和其陰陽調其脾胃兼  
以見症之藥佐之無有不愈



治驗

一小兒患胎驚諸藥不應用紫河車研爛如泥每用錢許乳化服之更以十全大補湯加釣藤鈞漏蘆與母服兩月餘舉發漸輕服年餘舉發漸稀服年餘不再發至出痘後復發取紫河車研爛入糯米粉丸小豆大每服百丸以乳送下服二具全瘥畢姻又發仍用前丸及十全大補湯六味丸

加當歸黃耆肉桂五味子年餘喜其能遠帷幕得痊後因勞役更作又用前丸及十全大補等藥不應用大劑獨參湯服數斤然後舉發稍緩乃用人參二兩附子一錢數服頓止仍用前藥間用獨參湯而痊一小兒患胎驚用紫河車丸及十全大補湯及釣藤膏而愈畢姻後復發用大劑獨參湯六味丸加五味子黃耆當歸煎服半



載舉發稍輕年餘不再發後每勞役怒氣  
仍發即用前藥隨愈又傷寒愈後復作虛  
症悉具莫能名狀用紫河車二具獨參煎  
湯十餘斤而痊後患傷風咳嗽咽乾內熱  
用六味地黄丸料加五味子煎服及十全  
大補湯而痊

十全大補湯

即八珍湯加黃耆肉桂四物四君合用方見急驚

八珍湯

加黃耆肉桂即四君四物二湯是也四君見內釣四物見急驚

地黄丸

方見腎臟

硃銀丸

方見噤風撮口

保命丹

方見發搐

釣藤散

方見慢驚

全蝎散

方見偏風口噤

貼顛法

方見發搐

釣藤膏

方見天釣

紫河車丸

方見前症



胎風

小兒初生其身有如湯瀝火傷者此皆乳母過食膏粱所致也其母宜服清胃散及逍遙散以清其氣血兒亦飲數滴可也有身無皮膚而不炊赤者皆由產母脾氣不足也用粳米粉傳之炊赤發熱者皆由產母胃中火盛也用石膏傳之經謂脾主肌肉肺主皮毛故知病脾肺也如腦額生瘡者火土相合遂成

濕熱下流攻擊腎水也難治如脚上有瘡者陰虛火盛也此不滿五歲而斃如未滿月而撮口握拳腰軟如隨者此肝腎中邪勝正弱所致也三日內必不治如男指向裏女指向外尚可治眉紅亦不可治可治者用全蝎散釣藤散等類治之若因大病虧損胃氣而諸臟虛弱所致者用補中益氣湯錢氏地黃丸若面唇赤色正屬腎水不足肝經陰虛火動



而内生風熱爾當滋腎水以制陽光其身軟者內稟氣不足肌肉未堅也當參五軟而施治之

清胃散

逍遙散

二方見內鈞

全蝎散

方見口噤

釣藤散

方見慢驚

補中益氣湯

方見虛羸

錢氏地黄丸

方見腎臟

### 五軟

五軟者頭項手足肉口是也夫頭軟者臟腑骨脉皆虛諸陽之氣不足也乃天柱骨弱腎主骨足少陰太陽經虛也手足軟者脾主四肢乃中州之氣不足不能營養四肢故肉少皮寬飲食不為肌膚也口軟者口為脾之竅上下齟屬手足陽明陽明主胃脾胃氣虛舌



不能藏而常舒出也夫心主血肝主筋脾主  
肉肺主氣腎主骨此五者皆因稟五臟之氣  
虛弱不能滋養充達故骨脉不强肢體痿弱  
源其要總歸於胃盖胃水穀之海為五臟之  
本六腑之大源也治法必先以脾胃為主俱  
用補中益氣湯以滋化源頭項手足三軟兼  
服地黄丸凡此症必須多用二藥仍令壯年  
乳母飲之兼慎風寒調飲食多能全形

### 治驗

吳江史萬湖子七歲患吐瀉顛目頓陷天  
柱骨倒兼面赤色余適在彼先用補中益  
氣湯加附子一劑吐瀉止而諸症愈又用  
錢氏地黄丸料煎服頓安

一小兒七歲夏間過食生冷之物早間患  
吐瀉而赤作渴手足並熱項軟顛陷午後  
面色頓白手足並冷脉微欲絕急以六君



子湯加附子一劑諸症頓退顛頂頓起而  
安小兒元氣易虛易實故雖危症若能速  
用對病之藥亦可回生者

一小兒九歲因吐瀉後項軟面白手足並  
冷脉微細飲食喜熱余先用六君子湯加  
肉桂五劑未應更加炮薑四劑諸症稍愈  
面色未復尺脉未起佐以八味九月餘面  
色微黃稍有胃氣矣再用前藥又月餘飲

食略增熱亦大減乃朝用補中益氣湯食  
前用八味丸又月餘元氣漸復飲食舉首  
如常又月餘而肌肉充盛諸病悉愈

一小兒十二歲瘧疾後項軟手足冷飲食  
少思粥湯稍離火食之即腹中覺冷用六  
君子湯加肉桂乾薑飲食漸加每飲食中  
加茴香胡椒之類月餘粥食稍可離火又  
用前藥百劑飲食如常手足不冷又月餘



其首能舉後飲食停滯患吐瀉項乃痿軟  
朝用補中益氣湯夕用六君子湯及加減  
八味丸兩月餘而項復舉畢姻後眼目昏  
花項骨無力頭自覺大用八味丸補中益  
氣湯三月餘元氣復而諸症退後每入房  
勞後形氣殊倦盜汗發熱服後二藥即愈  
一小兒十五歲手足痿軟齒不能嚼堅物  
內熱晡熱小便澀滯如淋服分利之劑小

便如淋服滋陰之劑內熱益甚服燥濕之  
劑大便重墜余謂此稟腎氣不足早犯色  
慾所致故精血篇云男子精未滿而御女  
以通其精五臟有不滿之處異日有難狀  
之疾老人陰已痿而思色以降其精則精  
不出而內敗小便澀痛如淋若陰已耗而  
復竭之則大小便牽痛愈痛則愈便愈便  
則愈痛正謂此也遂朝用補中益氣湯夕



用六味丸加五味子煎服各三十餘劑諸  
症漸愈復夢遺諸症復作手足時冷痰氣  
上急用十全大補湯加減八味丸料各八  
劑二便稍利手足稍溫仍用前二藥三月  
餘元氣漸復飲食如常又飲食停滯吐瀉  
腹痛按之不疼此脾胃受傷也用六君子  
湯加木香肉荳蔻治之其吐未已左尺右  
關二脉輕診浮大按之如無經云腎開竅

於二陰用五味子散四服大便頓止後又  
傷食嘔酸作瀉大便重墜朝用補中益氣  
湯夕用六君子湯加木香乾薑而痊

一老年得子四肢痿軟而惡風寒見日則  
喜余令乳母日服加減八味丸三次十全  
大補湯一劑兼與其子年餘肢體漸強至  
二週而能行

一小兒五歲稟父腿軟不便於行早喪天



真年至十七畢姻後腿軟頭顛自覺開幸  
喜其自謹寓居道舍遂朝服補中益氣湯  
夕用地黃丸料加五味子鹿茸煎服年餘  
而健

一小兒項軟服前二藥而愈畢姻後患解  
顛作渴發熱以二藥作大劑煎熟代茶恣  
飲兩月餘而渴熱減年餘而顛顛合又年  
餘而肢體強若非慎疾雖藥不起

星附膏 治項軟

天南星 附子 各等分

右為末用生薑自然汁調敷項間乾則潤  
之

六君子湯 方見天鈞

加減八味丸 即六味丸加肉桂五味子方見  
腎臟

十全大補湯 即八珍湯加黃耆肉桂

補中益氣湯 方見虛羸



地黄丸

方見腎臟

五味子散

方見

五硬

五硬者仰頭取氣難以動搖氣壅作痛連於胸膈脚手心冷而硬此陽氣不營於四肢也經曰脾主四肢又曰脾主諸陰今手足冷而硬者獨陽無陰也故難治若肚筋青急者木乘土位也急用六君炮薑肉桂柴胡升麻以

復其真氣若係風邪當參驚風治之此症從肝脾二臟受患當補脾平肝仍參瘕症急慢驚風門治之

小續命湯

治中風不省人事涎鳴反張失

音厥冷

麻黃

人參

黃芩

炒

川芎

芍藥

甘草

炒

杏仁

去皮尖炒

漢防已

官桂

去皮各半兩



防風 七錢半 附子 炮去皮 臍二錢

每服一錢水煎服

六君子湯 方見天鈞

保嬰錄要卷之三 終